



国家清史编纂委员会·档案丛刊

清代中南海档案

20

政务活动卷二十

国家清史编纂委员会·档案丛刊

清代中南海档案

20

政务活动
卷二十

中国第一历史档案馆 编

西苑出版社

江苏工业学院图书馆
藏书章

第二十册 目录

政务活动卷(二十)

光绪(三十三年九月——三十四年十月)

光绪三十三年九月	一
十月	一七
十一月	七
光緒三十四年正月	一
二月	一六一
三月	二一二
四月	二五七

宣统(三年三月——九月)

九月	二九一
十月	三三三
宣統三年三月	三八四
四月	三九二
五月	四四四
六月	四一七
閏六月	四三
七月	四四二
八月	四五七
九月	四七

光緒三十三年歲次丁未九月

二十六日甲寅

上詣樂壽堂

慈禧端佑康頤昭豫莊誠壽恭欽獻崇熙皇太后前請安

已刻

詣倚虹堂少坐至

景福門外跪接

聖母皇太后還儀鸞殿

駕還涵元殿內閣奉

諭旨張人駿電奏防城失事查明兵匪勾結情形等語此次防城失事實係衡軍左右兩哨與縣署親兵通匪內應結成一片致釀成焚署戕官刦掠公帑放脫人犯重案殊堪痛恨管帶左江巡防隊補用守備譚炳榮所部弁勇通匪作亂事後又飾詞

滕稟實屬昏庸謬妄著革職永不敘用並拔去翎
枝發往軍臺効力贖罪左哨哨弁儘先拔補千總
楊國標右哨哨長儘先拔補把總韋景香雖遠赴
大直亦平日約束不嚴江坪汛千總賴廷華雖因
公外出究屬疏於防守著一併革職拔去翎枝在
逃之左哨哨長儘先拔補把總劉永德右哨哨弁
藍領儘先拔補千總李之焜俱有實在通匪確據

著即通飭查拏緝獲後即在軍前正法前署廉欽
道四川補用知府王瑚遲不發兵調度乖方著交
部議處廣西提督丁槐身為統將所部哨弁有通
匪重情平日毫無覺察遂據一面之詞率行入告
究屬有心迴護著一併交部議處仍著張人駿嚴
飭各營趕緊追剿務將匪首及在逃弁勇悉數殲
除毋任漏網以靖地方餘著照所議辦理該部知道

是日

起居注官世

榮朱福說

二十八日丙辰

上詣儀鸞殿

慈禧端佑康頤昭豫莊誠壽恭欽獻崇熙皇太后前請安

內閣奉

諭旨修明內政吏治為先親民之官莫如守令若地方官盡得其人實心任事何利不舉何弊不除近年捐納保舉流品冗濫以候補人員為尤甚疊經

降旨飭令各省督撫於各員到省時考試甄別乃
十數年來分發選缺到省各員經督撫考試黜革
開缺暨咨回原省甚不多覩一味虛應故事濫容
闡冗是並無揚清激濁之誠殊屬不成事體著憲
政編察館會同吏部詳定切實考驗外官章程請
旨飭下各省督撫將所屬地方候補選缺到省各
人員認真考驗嚴定去留並條列實蹟咨報吏部

查覈以清仕途而端政本又奉

諭旨我朝撫綏藩服恩義素孚內外臣工凡有管理
藩務之責者均當仰體朝廷覆育至意勤宣德化
乃近聞理藩部積習甚重弊竇繁多殊非所以示
懷柔而敷聲教著責成該部尚書侍郎等認真整
頓將從前所有錮習迅與革除淨盡另訂妥善規
條通飭所屬司員實力奉行如有把持舞弊人員

即由該尚書等據實糾參從嚴懲治儻仍瞻徇勝
蔽一經覺察定惟該尚書等是問其東三省督撫
暨西北路將軍都統大臣於藩服尤為切近應一
併妥籌體恤嚴禁滋擾並將所籌辦法隨時具奏
勿得視為具文

是日

起居注官阿 聯汪鳳藻

二十九日丁巳

上詣儀鸞殿

慈禧端佑康頤昭豫莊誠壽恭欽獻崇熙皇太后前請安

內閣奉

諭旨承佑奏因病懇請開缺一摺馬蘭鎮總兵承祐著准其開缺又奉

諭旨馬蘭鎮總兵兼總管內務府大臣著恩霖補授

又奉

諭旨民政部奏援案請賞挂甲屯教養局米石一摺
所有挂甲屯紳辦教養局加恩著賞給粟米三百
石發交該處紳董覈實經理又奉

諭旨吳廷斌奏黃河霜降安瀾一摺山東黃河本年
入夏以來水勢暴發險工林立仰賴

神靈默佑搶護平穩現在節交霜降晉慶安瀾實

深寅感著發去大藏香十枝並著南書房恭書匾額一方交吳廷斌祇領虔詣

大王廟敬謹懸挂祀謝用答

神庥所有在工出力之二品銜直隸永定河道前
濟南府知府吳筠孫著遇有應升之缺儘先升用
試用道馮汝桓著歸候補班補用並加二品銜候
補知府丁乃鎔著免補本班以道員仍留原省補

用分省補用知府俞紀琦著免補本班以道員仍
分省補用候補知縣張錫華著免補本班以直隸
州知州仍留原省補用候補知縣周德蔚著俟補
缺後以直隸州知州補用並加四品銜候補縣丞
陳慶愉試用縣丞唐鴻孫延麟均著免補本班以
知縣仍留原省補用另片奏各司道局暨督辦大
員籌款協撥無誤要需等語署山東按察使濟東

泰武臨道沈廷杞著俟升缺後賞加頭品頂戴督
辦下遊河工候補道何國禔著交軍機處存記楊
士驤治河三載督率有方著交軍機處從優議敘
餘著照所議辦理該部知道

是日

起居注官宗室毓隆許澤新